

Akiitsut allagartaannik allamut nuunneqarsinnaasunik pappialanut nalilinnut toqqorsivimmi nalunaarsuinermi ingerlatsiviit anigaasaliiffiusut pisussaaffii pillugit Kalaallit Nunaannut nalunaarut

Aktie- aamma anpartsselskabit pillugit inatsimmi (ingerlatsiqatigiiffiit pillugit inatsit), kunngip peqqussutaatigut nr. 486, 14. maj 2018-imeersukket Kalaallit Nunaannut atulersinneqartumi § 172 aamma § 367, imm. 4 naapertorlugit aalajangersarneqarpoq:

§ 1. Akiitsut allagartaannut niuerfimmil malittarisassaqartinneqartumi niuerutigineqartunut pappialanut nalilinnut toqqorsivik aqutugalugu suliarineqarsimasunut tunngatillugu ingerlatsiviup anigaasaliiffiusup qitiusumik aqutsitut oqartussat isumagissavaat pappialanut nalilinnut toqqorsiviup paasisutissanik taakkunanillu kingusinnerusukket allannguutinik makkuninnga erninnaq tigusaqar-nissaa:

- 1) Ingerlatsiviup anigaasaliiffiusup taaguutaa, najugaa aamma cvr-normua.
- 2) Taarsigassarsiat katillugit anigaasartaat ilanngullugu taallugit akiitsut allagartaasa amerlassusaat piginneqataassutillu anertussusaa.
- 3) Erniat aamma akiliisarnep tungaasigut atugassaritaasut.
- 4) Piffissaq taarsigassanik allamut nuutsitsiffik.
- 5) Immikkut atugassarititaasinnaasut.

Imm. 2. Akiitsut allagartaannik allamut nuussisinnaaler-toqartinnagu qitiusumik aqutsisuni oqartussat pappialanut nalilinnut toqqorsivik nalunaarfigissavaat taarsigassarsianik allamut nuussinerup anigaasatigut nalinga tassanilu kingu-sinnerusukket allannguutit pillugit.

Imm. 3. Akiitsut allagartaat allamut nuunneqarsinnaasut pappialanut nalilinnut toqqorsivik aqutugalugu suliarineqar-sinnaanngillat ingerlatsivik anigaasaliiffiusoq Erhvervssty-relsimi nalunaarsorneqaaqartinnagu.

Imm. 4. Aktieselskabit pillugit inatsimmi § 167, Kalaallit Nunaannut kunngip peqqussutaatigut atortuulersinneqar-simasoq naapertorlugit aalajangiinermi aktiasinnaatitaasin-naanerit pappialanut nalilinnut toqqorsivimmi nalunaarsor-neqarnissaat ingerlatsiviup anigaasaliiffiusup qitiusumik aqutsinermi oqartussat isumagissavaat, akiitsut allagar-taannik allamut nuunneqarsinnaasunik nutaanik pisinissamut aktiasinnaatitaanermut pisinnaatitaaffiit qassiunersut ilanngullugu taallugit.

Imm. 5. Akiitsut allagartaat allamut nuunneqarsinnaasut tamakkiisumik akilerneqarsimangippata qitiusumik aqutsi-nermi oqartussat tamanna pappialanut nalilinnut toqqor-sivimmi nalunaarsorneqartissavaat.

§ 2. Akiitsut allagartaasa allamut nuunneqarsinnaasut pappialanut nalilinnut toqqorsivimmi suliarineqarnerannut

il. il. anigaasartuutit tamaasa ingerlatsiviup anigaasaliif-fiusup akilissavai. Ingerlatsiviup institutti ataaseq arlal-lilluunniit isumaqatigiissuteqarfignissavai pisinnaatitaaffe-qartitaasut ingerlatsiviup akiligaanik imaaliorsinnaasut:

- 1) akiitsunut allagartaatiminnik allamut nuunneqarsinnaasunik allatsitsillutillu tassani toqqor-tarititaqarsinnaasut aamma
- 2) taarsigassanik allamut nuussineq, tamakkiisumik akiliineq il. il. kiisalu kontop killiffianik ilisimatitsissut ukiumoortoq pillugit nalunaarutisinnasut.

Imm. 2. Akiitsut allagartaannut allamut nuunneqarsin-naasunut iluanaaruteqarfiusartunut tunngatillugu pisinnaati-taaffeqartitaasoq iluanaarutit il. il. pillugit aamma nalu-naarfigineqartassaaq ingerlatsiviup akiligaanik.

Imm. 3. Pisinnaatitaaffeqartitaasut namminneq institut-timik kontomik aqutsisumik toqqaasinnaatitaapput, sulias-sanik imm. 1-imi aamma 2-mi taaneqartunik ingerlatsiviup akiligaanik suliaqartussamik, instituttip ingerlatsivik sullik-kusuppagu anigaasartuutit ingerlatsiviup instituttimut isumaqatigiissuteqarfignissaminut anigaasartuutissaraluisa amerlaqqataannik akilertilluni.

§ 3. Ingerlatsiviup anigaasaliiffiusup akiitsunut allagar-tatai allamut nuunneqarsinnaasut pappialanut nalilinnut toqqorsivik aqutugalugu siunissami suliarineqartassappata ingerlatsiviup pappialanut nalilinnut toqqorsivik § 1-imi taaneqartunik erninnaq paasisutississavaa.

Imm. 2. Ingerlatsiviup akiitsunut allagartaatai allamut nuunneqarsinnaasut instituttimut kontomik aqutsisumut tunniunneqassapput pappialanut nalilinnut toqqorsivimmiit aggeqqusissummi aalajangerneqartutut iluseqartillugit. Pisinnaatitaaffeqartitaasoq ingerlatsivillu paasisutissanik aggeqqusissummi aalajangerneqartunik tunniussaqqartas-sapput.

Imm. 3. Aktieselskabit pillugit inatsimmi § 63, Kalaallit Nunaannut kunngip peqqussutaatigut atortuulersinneqar-simasoq, akiitsut allagartaannut allamut nuunneqarsinnaasu-nut tunngatillugu assiganik atuutissaaq.

§ 4. Nalunaarummik unioqutitsineq akiliisussanngor-titaassutaassaaq.

§ 5. Nalunaarut atortuulersinneqarpoq ulloq 1. juli 2018.

Imm. 2. Akiitsut allagartaannik allamut nuunneqarsinnaa-sunik børsimi nalunaarsorneqarsimasunik Pappialanut nalilinnut Toqqorsivimmi nalunaarsuinermi ingerlatsiviit pisussaaffii pillugit Kalaallit Nunaannut nalunaarut nr. 784, 10. juli 2008-imeersooq atorunnaarpoq.